

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(V)23

**SOALAN BERTULIS OLEH AHLI KAWASAN AIR ITAM
YB. JOSEPH NG SOON SIANG**

23. Adakah Kerajaan Negeri akan kaji semula untuk memberi peruntukan kepada sekolah-sekolah yang kekurangan bantuan kewangan walaupun wang telah disalurkan oleh Kerajaan Persekutuan tetapi masih tidak mencukupi untuk menampung keperluan sekolah?
- (a) Sila nyatakan jumlah yang telah diperuntukkan setiap sekolah di dalam KADUN Air Itam oleh Kerajaan Negeri dan Kementerian Pendidikan.

**YB. PROF. DR. P. RAMASAMY A/L PALANISAMY
MENJAWAB BAGI PIHAK Y.A.B. KETUA MENTERI**

23. Kementerian Pendidikan Malaysia bertanggungjawab untuk menyediakan peruntukan bagi sekolah-sekolah bantuan penuh kerajaan dan buat masa ini Kerajaan Negeri tidak menyediakan peruntukan yang khusus untuk pembiayaan sekolah-sekolah bantuan penuh kerajaan. Walau bagaimanapun, perkara ini boleh dikaji semula dari masa ke semasa mengikut keperluan dan tertakluk kepada peruntukan Kerajaan Negeri yang mencukupi. Kerajaan Negeri menyediakan peruntukan tahunan sejumlah RM12 juta bagi sekolah-sekolah bantuan modal yang merangkumi Sekolah Cina, Sekolah Mubaligh, Sekolah Tamil dan Sekolah Agama Rakyat sahaja.

- (a) Terdapat 15 buah sekolah di bawah KADUN Air Itam iaitu 8 buah Sekolah Kebangsaan dan 7 buah Sekolah Jenis Kebangsaan Cina. Kementerian Pendidikan Malaysia telah memperuntukkan sebanyak RM1,146,277.40 kepada 15 sekolah tersebut pada tahun 2017 dan RM601,751.89 pada tahun 2018. Peruntukan ini adalah untuk kerja-kerja pembaikan dan penyelenggaraan sahaja.

Kerajaan Negeri telah memperuntukkan sebanyak RM803,000.00 pada tahun 2017 dan RM900,000.00 pada tahun 2018 bagi sekolah-sekolah di KADUN Air Itam di mana kebanyakan sekolah yang menerima peruntukan Kerajaan Negeri ini bukanlah sekolah bantuan penuh kerajaan.